



www.khiv.ru/pressa

# ЭКУЪ ГЪЕД

## СВЕТЛАЯ ЗВЕЗДА

Хив райондин жемятдинни сиясатдин газет

№ 17 (8933)

01-май, 2021-йис

Газет гъафтеда садра акъатзава

Къимет 3 манатни 68 кепек



### Райондин администрацияда

## Райадминистрациядин нубатдин совещанидин гъакъиндай малумат

26-апрелдиз райадминистрациядин конференц-залда муниципальный райондин кьил Ярмет Ярметован регъбервилек кваз райадминистрациядин нубатдин совещание хъана. Адан кваллахдик райадминистрациядин къуллугъчири, райцентрал алай идарайрин руководителри иштирака. Совещанидин сифте кыляй Ярмет Алиметовича Дагъустан Республикадин Кьил Сергей Меликов Хив райондиз атуш шад гъалара кыле фейидакай, ам



райондин активдихъ галаз гуьруьшмиш хъайидакай, район экономикадинни социальный рекъай армияш хъунин месълайрихъ галаз таниш хъайидакай ва республикадин кыли Хив район экономикадинни социальный рекъай гележегда мадни вилик фин патал райондиз кумьекар гун хиве къурдакай хабар гана. Вичин рахунар давамариш, муниципалитетдин кыли районда «Комфортный городской среда» лугъудай программадин сергъятра аваз къуд площадка эцигайдакай ва хъсан вахтара эцигун патал вуч авуна кандак, республиканский инвестиционный программаяра активодаказ иштирака авуна канзавайдакай, маидин вахра кьейд ийидай суварриз хъсандиз гъазур хъана, жуьреба-жуьре серенжемар кыле тухвана канзавайдакай, коронавирусдин инфекциядиз акси тир вакцинадин рапар ягъунин карда райондин агъалийри активвал къалурун лазим тирдакай лагъана.

Ахла совещанидал рахай ЦРБ-дин кылин дуктурдин везифар вахтуналди тамамарзавайди тир Наида Пашаевади ийсан сифте кыляй ЦРБ-диз коронавирусдин инфекциядиз акси вакцинадин 700 доза ракурайдакай ва абур вири ишлемийидакай, вакцинадин къвед лагъай этапни башламышнавайдакай, больницада къаткурнавайбуьр дарманралди, хуьревалди таъмин тирдакай лагъана.

РОО-дин начальнидин заместитель Магомедшериф Садигова ЕГЭ кыле тухудай пункт выпускнири ЕГЭ вахуниз гъазурдиз авайдакай, мектебра выпускной классра келзавайбуьр экзаменриз гъазурун патал лазим тир кваллахар кыле тухузвайдакай хабар гана.

Культурдин, спортдин, жегъырин политикадин ва туризмдин отделдин начальни Казбек Казиева 30-апрелдиз ва 1-майдиз хуьерин командирин арада РД-дин лаяхилу дуктур рэгъметлу Нариман Багичев рикел жуниз талукъ яз волейболдай соревнованияр кыле тухудайдакай, 8-майдиз райондин соревнованияр кыле тухудайдакай, 8-майдиз райондин культурно-досуговой центрдин вилик квай майдандал концерт кыле тухудайдакай лагъана. Ада гъакни муьвара чеб Вичи Яракрин хуьрун СДК-дин куьгне дарамат, цийи дарамат эцигун патал, чкюьриз башламышдайдакайни. «Гурьин» учасокдал алай туристический майдандал забор ийиз гъазур жезвайдакайни хабар гана.

Финансрин ва налогрин отделдин начальни Абдулгамид Бегова идарайрин къуллугъчириш мажиб гуни канвалахда проблемамар авайчирдакай, бюджетний учрежденирин счтрал чпгьр вахра 15-числодалкъан мажибдин пулар ракуьрзавайдакай, исътада апрелдин вацран мажибдин такватар бюджетний идарайрин счтрал алайдакай лагъана. Ада къейд авурвал, межедомственный республиканский комиссияди райондиз къалурунвай налогрин плановой назначенияр къенин ийикалкван 100 процентдин тамамарзавай.

Совещанидал гъакни экономикадин отделдин начальни Гаджибег Рамазанов, хуьрун майишаддин отделдин начальнидин везифар вахтуналди тамамарзавайди тир Султан Аваев, ЖКХ-дин ва эцигунрин отделдин кылин пешкар Несердин Шабукаев, райадминистрациядин юрист Аслан Исоев ва маса юлдашар рахана. Абуру чпгьр кыле тухузвай кваллахрикай, вилик акъазнавай месълайрикай куьруь информацийар гана.

Пресс-центр.

## Мубаракзава

Гуьрметлу районгъглияр!

Къез гатфарин ва Зегъметдин сувар за лап рикивай мубарак ийизва!

Сад лагъай май зегъметдин садвал, яратмишунин шадвал, гатфар цийи хъун лишанламышзава. Суварин асас игит-им багъри чили цуьк акудуниин кыайгуда авай ва вичин рикл алай кваллахдик вичин руьгъдин са пай куьтазвай зегъметкеш инсан я.

Зегъмет гъамыша чилел алай вири хъсанвилерин, хушбахвилерин диб тир ва исътдани я. Чи чалишмишвилер вахтунин, девирдин тлалабрихъ галаз санал чун вилик тухудайбуьр, яратмишунрив ва меслятдив тухудайбуьр яз хъунихъ еке метлеб ва важиблувал ава.

Дагъустан Республикада, гъа гысабдай яз чи райондани финансрин жибетдай авай четинвилеризни килиг тавуна, районда экономикадинни социальный рекъай хъсан терефдихъди тир хейлин дегъшвилер арадиз атанва. Къуватар сад авуналди чавай чи район, чи республика гележегда мадри армияшунин бине куьтаз, еке ва хъсан планар тамамарунин мүмкинвилер яратмишиз жеда.

Къенин суварин юкъуз райондин вири агъалийриз мягъкем сагъвал, хъсанвилер, хушбахтлувал, вирибурун хизанра меслятвал, дуьньяда ислыгъвал хуьрай.

«Хивский район» МО-дин кыил Я.Ярметов.

## «Хивский район» МО-дин администрациядин кылин Гъалибвилдин суварин тебрик

Гуьрметлу Хив райондин агъалияр! Багъа тир ветеранар! Гуьрметлу мугъманар!

Къе, Гъалибвилдин сувар къейд ийиз, чна мад са сеферда нацизмдал гъалиб хъунин важиблувал гыис ийизва. Чи бубайри ва чехи бубайри немцерин фашистар клукварунал дамах ийизва.

И сувар чи халкъдин, вичиз чешне авачир хътин клубанвилдин, фашизмдивай азад авур халкъарин шадвилдин сувар я.

Гыкъван ийсар кечирмиш хъайитлани, 9-Майдин юг миллионралди инсанриз гъамыша виридалайни важиблуду ва экуь сувар яз амуькда.

Фронтвикири ва далу терефдин зегъметчири къалурау гънарра чи халкъдин куьват, адан садвал, багъри чилив тир халкъдин кланивал акъазва. Чи бубайр ва чехи бубайр инсафсуз, къуватлу душмандал гъалиб хъана.

Гуьрметлу дустар! Немцерин фашистар гъалибвал къазанимишунин кутур паюнай, куь дрибашвилей, советрин халкъдин ислыгъвал ва бахтлувал патал члугур зегъметрай къез еке тир чухсагъул.

Къехъ ва куь веледрихъ мягъкем сагъвал, яргъи ва бахтлу уьмуьр, хъсанвилер, муьгъубат хуьй!

«Хивский район» МО-дин администрациядин кыил Я.Ярметов.

## Сад лагъай Майдин суварин тарихдикай

Сад лагъай майдин суварин тарих XIX-асирдин эхирдиз башламышайди я. 1886-йисан 1-майдиз США-дин ва Канададин социалистический, коммунистический ва анархический тешкилатра са жерге митинг ва демонстрацияр кыле тухвана. Митингрин ва демонстрациярин иштиракчири чпин асас тлалабрикай сад яз рабочий ийкъан яргъивал муьжувд сятдин агъузрун кланарзавай. Чикагода 4-майдиз ахътин демонстрация гужуналди чкюьрзавайла демонстрантрикай 6 кас телеф хъанай. Адалай гуьгъуьниз арадиз атай къальмакъзарун нетижада 8 кас полицейский ва агъа кыл 4 рабочий яракрай яна кеная, гъафурал хирер хъанай. Хъиткунунар тешкилунай тахсир кутунай къуд рабочий – анархистар тарагъадиз члугуна (гуьгъуьнлай абурук кутур тахсир дуьзди туширди субут авунай).

Тарагъадиз члугурбуьр рикел

хъунин мураддалди къвед лагъай Интернационалдин Парижский конгрессди (1889-йисан июлдиз) 1-май виридуьньядин рабочийрин тереф хъунин Югъ яз малумарай ва гъар ийсуз а югъ, социальный рекъай тлалабар къалуриш, демонстрацияр тухуналди къейд авуниин теклифар эцигнай.

Российский империяда Сад лагъай май международный солидарностдин югъ яз сифте Варшавада 1890-йисуз къейд авунай. А вахтунда 10 агъзур рабочийрин стачкаярни кыле фенай. 1897-йисалай маевкаяр политический метлеб авайбуьр ва агъалийрин демонстрацияр галайбуьр жезвай. 1912-1914-йисара сад лагъай майдин стачкайриш 400 агъзурдалай гъаф рабочияр экъечна. 1917-йисуз, Февральский инкылалдайла къуллукъ, Сад лагъай май ачухдиз къейд ийиз хъана. Миллионралди рабочияр

(Эхир 2-чина)

## Сад лагъай Майдин суварин тарихдикай

(Эвел 1-чина)

кучейриз «Долой министров-капиталистов», «Вся власть Советам», «Долой империалистическую войну!» лозунгар гваз экъечиз хъана.

1917-йисан Октябрдин инкйлабдилай гуьгъуниз сувар адетдинди хъана: и юкъуз зегьметкешрин демонстрацияр ва дядедин парадар тухузвай (РККА-дин сад лагъай майдин сифтегъан парад 1918-йисуз Ходынский майдандал кыле фена). Суварин къвед лагъай юкъуз, адет хъанвайвал, вири уьлкведа «маевкаяр» - тѳебиатдал агъалийриз шадлухар кыле физ хъана.

«Развитой социализмдин» девирда СССР-да Сад лагъай Майдин демонстрациярин мана-метлеб дегиш жез башламышна. Сад лагъай майдин юкъуз СССР-дин зегьметкешри капиталистический зегьметчийрин революционный женгинихъ, милли азадвилдин гьерекатрихъ галаз чпин садвал къалурзавай, ислягъвал патал, коммунистический обществэ эцигун патал чпин вири къуватар серф авуниз гъазур тирди малумарзавай.

Зегьметчийрин тешкилнавай дестеяр шегьерин, поселокрин центральный кучейрай макъамар ягъиз, гилера политический мана авай транспарантарни аваз физ, демонстрантриз КПСС-дин руководителри, гьукумдин векилри, производствонин кивенкѳечийри, ветеранри, гьурметлу ватандаши салам гуз хъана. Сувар кыле физвай гъалдикей телевиденидай ва радиоканалрай къалуриз ва лугъуз хъана. Уьлкведин виридалайни Чѳехи ва кылин демонстрация гъар йисуз Москвадин Яру майдандал кыле физвай ва центральный телеканалрай къалуриз хъана.

Эхиримжи сеферда официальной сад лагъай майдин демонстрация 1990-йисан 1-майди кыле фена. 1991-йисан 1-майди Яру майдандал профсоюзрин Московский федерацияди ва азад профсоюзрин Ассоциацияди кыметар хъажуниз къарши яз тешкилнавай митинг кыле фена (Маволейдин трибунадал М. Горбачев, А. Лукьянов ва масабур алай).

1992-йисан и сувариз «Гатфарин ва зегьметдин сувар» лугъудай тѳвар ганай.

1-май милли сувар хъыз официальной дуньядин 86 государстводи къейд ийизна.

## Призывной комиссиядин заседание


28-апрелдиз райадминистрациядин актовый залда «Хивский район» МО-да кардик квай призывной комиссиядин заседание хъана. Адан къвалахда хуьерин поселенирин килери, райцентрадал алай идарайрин руководителри иштиракна.



Заседание «Хивский район» МО-дин кылин заместитель Мирзабег Багичева ачухна ва кылени тухвана.

Заседанидал агъадихъ галай месэляяр гъялна:

1. «Хивский район» МО-да 2021-йисан гатфариз ватандашар военный къуллугъдиз эвер гунихъ галаз алакьалу тир серенжемар тешкилуникай ва



кыле тухуникай.

2. Военный къуллугъдиз 2021-йисан гатфариз призыват авуникай кыл жудзавай ксарин къадар тѳимиларун патал кыле тухузвай къвалахдикай.

Сад лагъай месэладай Хив ва Агъул районрин военный комиссар Пирмегъямед Кубачева информация гана.

Къвед лагъай месэладай РФ-дин Хив районда авай ОМВД-дин полициядин старший участковый инспектор Рамазан Шихгереева информация гана.

Заседанидал гъялай месэлайрай талукъ тир къарарар къабулна.

## Антитеррористический комиссиядин заседание

28-апрелдиз райадминистрациядин актовый залда «Хивский район» МО-да кардик квай антитеррористический комиссиядин заседание хъана. Заседание антитеррористический комиссиядин секретарь Мирзабег Багичева ачухна ва кылени тухвана.

Заседанидал агъадихъ галай месэла гъялна:

Майдин сувариз гъазур жедайла ва суварар кыле тухудайла инсанар гъаф къадарда кватл жедай чкайра жемигъдин хатасузвал таъминиринунн ва объектра террористический акт ар адиз къвез тун тавунин серенжемрикай.

Заседанидал алай месэладай РФ-дин Хив районда авай ОМВД-дин полициядин старший участковый инспектор Рамазан Шихгереева доклад авуна.

Пресс-центр.

## Гъалибвал къазанмишна

Тарихда Ватандин Чѳехи дые виридалайни четинди, заланди, гъаф иви экъычаиди хъана. Ада агъзуралди шегьерар, хуьер чкурна. Миллионралди инсанар кьена. Душмандал гъалибвал къачуз гъаф четинди хъана. Ам тарихда рикелай тефидайди хъана. Йикъар-йифер дегиш жез, варцар-йисар, асирар физва. Несилар, тухумарни дегиш жезва. Амма гъич саданни, гъич са вахтундани рикелай тефидай игитвилин зурба гъунар советрин халкъари немцерин фашистар Ватандин Чѳехи дядеда терг авуналди виридуьндиз машгур хъана. А дядедин 1418 югъ ва йиф, чи халкъдин кыилел атай къван мусабатдин азабар дядедин иштиракчийрин хъыз, исятдин ва гележегдин несилринни гъамиша рикел аламуькда.

Виридуьндиз тарихда фашист, чапхунчи немцерин винел Советрин Союз гъалиб хуьунин важиблу себебрикай сад гъаф миллиетрин ва динрин, чи уьлкведин халкъарин садвал хъана. Дядедин сифте йикъарилай башламышна агъзуралди дагъустанвиар ватандин, риклин гъевесдин, партиядин ва комсомолдин эвер гуналди, вири чкайра гегьенш хъайи гьерекатдин нетижада, военкоматриз физ, дядевдиз ракъурунин хушуналди тир арзаяр гуз хъана. Анжах кьуд юкъуз (1941-йисан 22-24-июндиз) дагъустанвиаривай чеб хушуналди дядевдиз ракъурун патал тир дагъустанвиарин арзаяр военкоматдиз дые кутьягъалди къвез хъана.

1942-йисуз дядедин лап залан вахтара, Гитлеран чапхунчийри Дагъустандиз сергъатриз муьквал хъайила, 15 агъзур дагъустанвиар Яру Армиядин жергейриз къабулунин арзаяр гана.

Германиядин кыле авайбуруз Кавказдай Ближний ва Юкъван Востокада гъахъиз клан хъана. Абуруз Дагъустандин меркез Махачкала шегьерни къаз клан хъана. Гитлеран планар чѳурун патал Махачкала шегьер плацдармдиз, къеледиз элкьурна.

Махачкала прифронтной шегьер хъана. Гъана 58-армия тешкилна, 44-армия дислоцировать, 135 авиадивизия туна. И четин вахтунда 15 агъзурдалай виниз дагъустанвиар чпин хушуналди Яру Армиядин жергейриз фена.

Дядедин йисара армиядиз вири хизан санал феибурни хъана. Икѳ, Акушинский райондин Урхучи-Махи хуьрай тир А.Абдулгамидова дядевдиз 12 велед, Ахты хуьрай Т.Таировадин 7 велед, Кумух хуьрай тир У.Эфендиеврин 5 велед ва мадни са къадар гъафбуру фронтдиз ракъуруна.

Ватандин Чѳехи дядедин йисара чи райондай фронтдиз 1800-далай виниз фена. 1100 кас дядедай къулукъ хтанач.

1942-йисан зулуз дагъустанвиари кавалериядин эскадрон тешкилна. А эскадрон Моздокдихъай Берлиндиз къван агакъна. 800-дилай виниз жегили рушар чпин хушуналди фронтдиз финин арзаяр гваз военкоматдиз атана ва абур Яру Армиядин 744-зенитдинни артилериядин полкунин жергейриз къабулна.

Къаних душмандихъ галаз тухвай женгера гъафбуру игитвилер къалуруна. Абурукай яз къалуриз жеда Абдулазиз Абдулазизов, - Дагъустандин кылди тир балканрин аскерин эскадрондин командир, къве-къвед Слава орденин сагиб Гъамид Абумислимов (Хиврин хуьрай), къве-къвед Слава орденин сагиб Нажмудин Казбеков (Къванцигирин хуьрай), военный разведчик-Шамил Балакеримов, (Кашанхуьрай), Абуллагъ Сефербеков-снайпер (Чуьекрин хуьрай), Казихан Самурханов (Чирерин хуьрай) ва мадни хейлин масабур къалуриз жеда.

1943-йисуз хушуналди дядевдиз физ арзаяр гайи 23308 ватангъилирикай 12553 кас фронтдиз ракъуруна. Идалайни гъейри, 1941-1942-йисара 24 агъзур кас 25 йис тамам хъайи жегиляр халкъдин ополченидин жергейриз хушуналди атана. Абурукай чѳехи пай Яру Армиядин жегеяра дые кутьягъайлани амуькна.

Райондай лагъайтла, 2298 кас зегьметдин фронтдиз фена. Абуру Дербентдин, Хасавюртдин ва Буйнаксдин районра къвалах авуна. Дядедин вахтунда далу терефда зегьмет чѳугурбурни тѳимилбур хъанач.

Дядедин йисар йисалай-суз яргъал жезва, амма дядеви авур зулумар, хирер кьени инсанрин рикел алама.

Ватандин Чѳехи дядеда советрин халкъдихъ галаз дагъустанвиарини къалурай игитвилер, гъунарар халкъдин рикел гъамишалугъ аламуькда.

## Гатфарин сад лагъай приывдиз талукъ тир серенжем

Райцентрадал алай диде-бубаяр, дустар кватл хъанвай. Гъалибвилдин паркда 2021-йисан 23-апрелдиз Ватандин Чѳехи дядедин иштиракчийр рикел хуьн патал эцигнавай «Лацу дурнаяр» тѳвар алай мемориальный комплексдив приывникар Россиядин Федерациядин Армиядин жергейриз тухунин чѳинин гатфарин сад лагъай приывдиз талукъ тир серенжем кыле фена. И серенжемдиз Хиврин хуьре авай идарайрин къуллугъчийр, райондин агъалияр, приывникрин

Анал райондин культурно-досуговой центрадин къуллугъчийри шадвилдин жуьреба-жуьре макъамар язавай.

Пакамахъ сят цѳудаз Хив ва Агъул районрин военный комиссар Пирмегъямед Кубачева жегили живанар армиядин жергейриз ракъуруниз талукъ тир серенжем ачухна. Ада кьичид Слава ордена икѳ лагъана: «... И сеферда вад касдикай ибарат тир жегили живанрин десте

(Эхир 4-чина)

# Гатфарин сад лагъай призывдиз талукъ тир серенжем

(Эвел 2-чина)

армиядиз ракързава. Вири вад призывникни пака пакамахъ сят иридаз райондин военный

атанвай векилрин ихтиярдиз вугуда ва куь абурун ихтиярда жеда. Военный частариз гъа векилрихъ



комиссиариатдиз атана къанда ва пака куьн призывдин отделенидин къуллугъчярни галаз маршрутгада аваз Махачкалиндин призывной пунктуниз фида. Ана призывной комиссия мад куь сагъламливил килигда. Сагъламливил жигъетдай кез проблемаяр аваз хъайитла, абурукай комиссиядиз хабар гудай мумкинвал кез жеда.

Медицинский комиссиядиз вичин къвалах куьтягъайдалай къуллукъ куь воинский частарай

галаз поездра ва я автобуса аваз фида. А частариз рекъе гъатдалди виликамаз кез военный форма гуда. А форма квахъиз, члур жез тамир, вучиз лагъайтла мад кез цийи форма гудач. Квахъай, члур хъайи формадин чкадал цийиди куьне куь пулунихъ маса къачуниз мажбур жеда.

Къуллугъиз фидай рекъе ички, наркотический шейэр ишлемишун, гражданский агъалийрихъ галаз рахунар авун, абурухъ галаз алакъада хъун къадагъа ийизвай къвалах я.

Войсковой частариз агакъайла куь диде-бубайриз войсковой частунин телефонрин нумрайрикой, командирриз диде-бубайрин телефонрин нумрайрикой хабар це. Командирри ва диде-бубайри, мукъвабуру квелди дамах ийидайлани къуллукъ ая, шулугъар ийимир... Кез ягъурлу рехъ хъуй!»

Шадвиллин серенжемдал рахай «Хивский район» МО-дин администрациядин къилин заместитель Мирзабег Багичева призывникривай армиядин жергеяра намуслувилелди къуллугъун къанарунихъ галаз сад хъиз, райадминистрациядин къилин ва къилди вичин терефдай призывникриз армиядин жергеяра къуллугъиз фин мубарак авуна. А серенжемдал рахай Хив райондин имамрин советдин председатель Шабан Салиховани призывникрин диде-бубайрин терефдай рахай Агъа Яракрин хуьруьн агъали Джабраил Магомедовани призывникриз хейлин хъсан несигъатар гана. Ахпа Пирмегъамед Кубачева ва Мирзабег Багичева призывникриз военный билетар гана ва мад са сеферда абуруз Ватандиз къуллугъиз физвай рехъ ягъурлуди хъуй лагъана.

Р.Балабеков.

# Правила господдержки бизнеса

Постановлением от 13.03.2021 № 362 Правительство РФ утвердило правила господдержки бизнеса при трудоустройстве безработных граждан в 2021 году. Поддержка будет осуществляться путем предоставления из бюджета субсидии. Цель субсидии – частичная компенсация затрат работодателя на выплату зарплаты гражданам из числа безработных, которых он трудоустроил. Воспользоваться субсидией могут как организации, так и индивидуальные предприниматели с 22 марта 2021 года.

Размер субсидии рассчитывается как произведение величины МРОТ на фактическую численность трудоустроенных безработных граждан.

При этом выплачивать субсидию работодателю будут частями: по истечении 1-го, 3-го и 6-го месяцев с даты трудоустройства безработных. То есть на одного трудоустроенного безработного гражданина работодатель может получить сумму в размере трех МРОТ плюс страховые взносы и районный коэффициент.

При этом работодатель и принятые работники должны отвечать ряду требований, установленных данным постановлением.

Для получения субсидии работодатель подает заявление с приложением перечня свободных рабочих мест и вакантных должностей, на которые предполагается трудоустройство безработных граждан. Направить заявление нужно в службу занятости через личный кабинет портала «Работа в России».

Отдел экономики администрации МО «Хивский район».

ПРОГРАММА ПЕРЕДАЧ ХИВСКОГО ТЕЛЕВИДЕНИЯ	
<b>ПОНЕДЕЛЬНИК 03.05.2021</b>	
18-00	Райновости (6+)
18-30	Концерт по вашему заявкам. (12+)
19-00	Время телесериала. (12+)
19-30	20-30, 21-20 Реклама. (12+)
<b>ВТОРНИК 04.05.2021</b>	
18-00	Райновости (6+)
18-30	Концерт по вашему заявкам. (12+)
19-00	Время телесериала. (12+)
19-30	20-30, 21-20 Реклама. (12+)
<b>СРЕДА 05.05.2021</b>	
18-00	Райновости (6+)
18-30	Концерт по вашему заявкам. (12+)
19-00	Время телесериала. (12+)
19-30	20-30, 21-20 Реклама. (12+)
<b>ЧЕТВЕРГ 06.05.2021</b>	
18-00	"Беседы о религии" (6+)
18-30	Концерт по вашему заявкам. (12+)
19-00	Время телесериала. (12+)
19-30	20-30, 21-20 Реклама. (12+)
<b>ПЯТНИЦА 07.05.2021</b>	
18-00	Райновости (6+)
18-30	Концерт по вашему заявкам. (12+)
19-00	Время телесериала. (12+)
19-30	20-30, 21-20 Реклама. (12+)
<b>СУББОТА 08.05.2021</b>	
18-00	Райновости (6+)
18-30	Концерт по вашему заявкам. (12+)
19-00	Время телесериала. (12+)
19-30	20-30, 21-20 Реклама. (12+)

## Погода на неделю

	03 мая		04 мая		05 мая		06 мая		07 мая		08 мая		09 мая	
	ночь	день	ночь	день	ночь	день	ночь	день	ночь	день	ночь	день	ночь	день
Облачность														
Осадки														
Атмосферное давление, мм.рт.ст.	680	679	676	676	680	676	682	680	686	683	686	686	686	685
Температура в воздухе, °С	+12	+19	+14	+23	+11	+16	+9	+10	+9	+10	+10	+12	+12	+16
Влажность воздуха, %	90	67	88	50	99	89	94	84	96	89	96	87	86	69
Ветер м/с	3	В	3	С-В	В	В	С-В	В	В	С-В	3	В	С	В
	1	3	1	2	1	2	2	2	1	2	1	2	1	1

УЧРЕДИТЕЛЬ: администрация муниципального образования «Хивский район». Ответственный за выпуск - З.Г.Седиханова. Главный редактор - А.С. Алирзаев.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан. Регистрационный номер ПИ №ТУ05-00313 от 12 мая 2015г.

Авторы несут ответственность за достоверность представленных для публикации материалов. Рукописи не рецензируются и не возвращаются. Индекс газеты: 51374. Тел: 8-909-483-20-27

Газета набрана и сверстана на компьютерной базе МБУ «Пресс-центр МО «Хивский район» и отпечатана в типографии № 3, г. Дербента Республики Дагестан, ул.С.Курбанова, 25.

Адрес редакции и издателя: 368680, Хивский район, сел. Хив, ул. Советская, 8, МБУ «Пресс-центр МО «Хивский район». Срок подписания в печать - 21.04.2021г. - 17:00ч. Подписано в печать - 21.04.2021г. - 14:15ч. Тираж 150. Заказ №